

Даалгъвран данъгин давулдж кўцәнә

Новосибирск областин Андреевск района Грушевск МТС-н механизатормуд, партин болн правительствин өгсн ик дөнъ эдлхд, КПСС-н XX-ч съездин шиидвриг сәәнәр кўцәхин төлә ноолддж, 1956-ч джилд ик сән ургъц ургъадж авч, орн-нутгтан өгх буудән болн хулдх буудән тускар ик гидг даалгъвр авла.

Коммунистическ партин болн Советск правительствин политикин аш деерәс эдл-ахун кōдлмш икәр өөдән гарв. Тер учрас бас олн мана хальмгудин седкл болн джиргъл улм сәәнәр ясрв.

Сибирин колхозмудар бәәх хальмгуд чидлән әрвлл уга кōдлдж, кōдлмшән кўцлмүд-тәгъәр кедж йовцхана. Улгүрлхд, „Сталинец-6“ — гидг комбайнд кōдлджәх Бембән Лидж гидг кўн 15-н өдрт 376 гектар

тәрәг хурадж авб, тер хурадж авсн газрасн 6392 центнер буудә авб. Келхд, нег гектар тәрәнәс 17 центнер ургъц авсн болдж гарв. Бембән Лидж нег өдртән 174 арслнъ мōнъг олджав, тәрәнә хуралгъна кōдлмшт 26 центнер буудә олв.

Манджин Дуср болн Мечр — ах-дү хойр комсомольцнр — 1956-ч ждлид „С-80“ — гидг трактормудар 2390 гектар газр хагълв, эн газр хагъллхларн 1347 килограмм горючий әрвлдж. Газр хагългъна, өдрә норман эн ах-дү хойр 15,6 га күргдж кўцәдж бәәв. Трактормудан яслгъна кōдлмшт 1696 арслнъ мōнъг олцхав. Ах-дү хойр, джилдән 21 минъгън арслнъ мōнъг болн 64 центнер буудә олцхав.

1956-ч джил Лиджин Бембә, Манджин Дуср болн Мечр, эв-

рәннъ сән кōдлмшин ашд „Трудовая доблесть“ — гидг медаләр ачлгдцхав. 1956-ч джил эн гурвн кўн цуг Союзин Селәнә Эдл-ахун Гәәхулд одх болдж батргдцхав. Лиджин Бембәг, Манджин Дуср болн Мечриг Грушевск МТС-н директор мōнъгәр шанънв.

Ода Лиджин Бембә, Манджин Дуср болн Мечр МТС-н мастерскойд трактормуд болн эдл-ахун машид яслгъна кōдлмш кеджәнә. Öдрә норман давулдж кўцәцхәнә.

Партин болн правительствин шиидврәр хальмг танъгъч тогтв. Эн зәнъг сонъсчкад ик гидгәр байр лвдн. Хальмг танъгъч тогтснд, бидн эврәннъ гарсн газртан ирдж, хальмг танъгъчан урдкаснъ сәәхн кедж, тосхлгъна кōдлмшт шунмгъагъар кōдлхәр белддж бәәцхәнәвдн.